



ADRESA: Alipašina 14/L, 71 000 Sarajevo  
Vakufska banka DD Sarajevo: 1602000023176039; ID BROJ: 4201099390000  
TEL/FAX: (+387) 033/206-736; (+387) 061/348-082 - E-mail: [karatefederacijebih@gmail.com](mailto:karatefederacijebih@gmail.com)

**PRAVILNIK**  
**O RADU SUDIJSKE KOMISIJE**  
**KARATE SAVEZ FEDERACIJE BOSNE I HERCEGOVINE**



Sarajevo: Juli 2018. godine

## **PRAVILNIK O RADU SUDIJSKE KOMISIJE**

Ovim pravilnikom se uređuje način izbora i imenovanja Sudijske komisije, sastav Sudijske komisije, njenu nadležnost i ovlaštenja, propisuju kategorije sudijskih zvanja u Karate savezu Federacije Bosne i Hercegovine, dužnosti i obaveze članova sudijske organizacije, način organizacije školovanja i stručnih seminara iz oblasti WKF Pravila takmičenja, neophodna finansijska sredstva za rad, uslove za sticanje i licenciranje sudijskih zvanja, delegiranje sudija na zvaničnim i svim ostalim takmičenjima iz “kalendara B“ Karate saveza Federacije BiH, postupak i način ocjenjivanja sudija.

### **1. SASTAV KOMISIJE**

1.1. Sudijska komisija se sastoji od 5 članova, uključujući predsjednika komisije, koje iz reda sudija sa visokim sudijskim zvanjima (najmanje Državno zvanje) imenuje Upravni odbor Karate saveza BiH. Vrijeme trajanja mandata članova Sudijske komisije utvrđuje se Odlukom Upravnog odbora Karate saveza Federacije BiH.

1.2. Komisija imenuje sekretara, koji obavlja sve administrativne i ostale poslove vezano za Sudijsku komisiju.

1.3. Sudijska komisija u slučaju potreba (može kooptirati) ima pravo na dva (dodatna) privremena člana, koji svoju dužnost obavljaju na polaganjima za sudijska zvanja i takmičenjima u okviru službenog sistema takmičenja. Odluku o imenovanju privremenih članova donosi Sudijska komisija, o čemu obavještava Upravni odbor Saveza.

### **2. NADLEŽNOSTI, OBAVEZE, OVLAŠTENJA I OCJENJIVANJE**

2.1. Komisija je odgovorna za školovanje sudija i njihovo angažovanje na takmičenjima iz kalendara Karate saveza Federacije, predlaganje dijela sudija za angažovanje na takmičenjima iz Kalendara A Karate Saveza BiH, organizaciju sudijskih seminara na kantonalnom i federalnom nivou za sticanje i licenciranje kantonalnih i federalnih sudijskih zvanja i dodatne edukacije sudija kroz pohađanje stručnih seminara. Utvrđivanje liste i kategorije sudijskih zvanja u Karate Savezu Federacije BiH.

2.2. Komisija je dužna da održava visoke standarde suđenja i jednobrazno tumačenje i primjenu Pravila takmičenja.

2.3. Komisija delegira i nadgleda rad sudija na takmičenjima u okviru sistema takmičenja iz Kalendara B Karate saveza Federacije BiH.

2.4. Provođenja procesa ocjenjivanja rada sudija na takmičenjima na osnovu kriterija koje je utvrdila Sudijska komisija WKF.

2.5. Sudijska komisija saraduje sa nadležnim sudijskim komisijama Karate Saveza RS, odnosno Karate saveza BiH.

2.6. U slučaju da sudiji budu izrečene ozbiljne kritike za učinjene greške, sudijska komisija mu može oduzeti licencu ili suspendovati na određeni rok.

2.6.1. Sudiji će biti ukinute važeće licence za kate i borbe ukoliko na licencnom seminaru ne ispuni uslove iz tačke 4.11. ovog Pravilnika. Odluka o ukidanju licence biće saopštena odmah po završetku seminara.

2.6.2. Tatami menadžer, na osnovu ovlaštenja datih u Pravilima takmičenja, sa ciljem kontinuiranog praćenja i nadzora nad razvojem kompetencija sudijskog kadra, ocjenjuju sudije ocjenom od 1 do 5.

2.6.3. Prilikom ocjenjivanja Tatami menadžeri, kao ocjenjivači, koriste kriterije sudijskih Komisija Karate Saveza BiH, WKF-a odnosno EKF-a. Ukoliko sudija tokom suđenja u okviru jednog kriterija bude ocijenjen ocjenom jedan (1), njegova ukupna ocjena bez obzira na ostale kriterije iznosi jedan (1).

2.6.4. Sudijska komisija, odnosno sekretar komisije, na osnovu pisanih izvještaja o izvršenom ocjenjivanju dostavljenih od strane Tatami menadžera, unosi rezultate ocjenjivanja u odgovarajuće evidencije koja predstavlja osnovu za praćenje razvoja i stručnih kompetencija sudijskog kadra.

2.6.5. Sudiji koji za svoje suđenje bude ocijenjen ocjenom jedan (1) ista će mu biti saopštena neposredno nakon takmičenja i od strane Sudijske komisije izrečena opomena.

2.6.6. Sudija koji u toku jedne takmičarske sezone dva puta bude ocijenjen ocjenom jedan (1) biće izrečena posljednja opomena.

2.6.7. Ako se i poslije izricanja ovih opomena nastavi trend lošeg suđenja ili bude tri puta ocijenjen ocjenom jedan (1), sudijska komisija će tom sudiji ukinuti važeću licencu za borbe ili kate.

2.6.8. Ako se zbog kršenja Pravila takmičenja protiv sudijskog zbora podnese službeni protest i isti bude prihvaćen od strane Odbora za proteste, a na osnovu preporuka iste, Sudijska komisija će ukinuti važeće licence.

2.6.9. Licence se oduzimaju/ukidaju u trajanju od jedne godine, nakon čega se mogu ponovno obnoviti na seminaru za sticanje i licenciranje sudijskih zvanja.

2.7. Sudijska komisija će obavijestiti Upravni odbor Karate saveza Federacije BiH u izrečenim mjerama: opomena, posljednja opomena i oduzimanje sudijske licence odmah nakon izrečene mjere.

2.7.1. Bez naloga o delegiranju odnosno saglasnosti sudijske Komisije Karate saveza Federacije BiH, odnosno Karate Saveza BiH, sudije ne mogu suditi ni na jednom takmičenju iz kalendara A, B i C, odnosno, Karate saveza BiH, Karate saveza Federacije BiH, Karate saveza RS, Kantonalnih karate saveza. Za sudjenje u inostranstvu saglasnost daje Sudijska Komisija Karate Saveza BiH, a na osnovu zahtjeva Sudijske komisije KS FBiH .

2.7.2. Saglasnost za sudjenje na takmičenju pod okriljem Karate Saveza RS, sudija dobija od Sudijske Komisije, nakon pismenog zahtjeva dostavljenog putem e-maila, najmanje 5 dana prije održavanja takmičenja. O datoj saglasnosti Predsjednik komisije će informisati Predsjednika Sudijske komisije RS.

2.8. Suđenje bez naloga o delegiranju odnosno saglasnosti za posljedicu ima suspenziju sudije u trajanju od šest mjeseci od donošenja odluke o suspenziji. Odluku o suspenziji donosi Sudijska komisija.

2.9. Suspendovani sudija ima pravo žalbe. Žalba se podnosi Upravnom odboru Karate saveza Federacije BiH u roku od 15 dana od dana obavještanja o suspenziji. Žalbe ne odlaže suspenziju.

### **3. SUDIJSKA ZVANJA**

3.1. Sudijska zvanja u Karate savezu Federacije Bosne i Hercegovine su:

- a) Kantonalni, KATA JUDGE
- b) Kantonalni, KUMITE JUDGE
- c) Kantonalni, KUMITE REFEREE

- a) Entitetski (Federalni) KATA JUDGE
- b) Entitetski(Federalni) KUMITE JUDGE
- c) Entitetski(Federalni) KUMITE REFEREE

3.2. Iz reda sudija sa najvišim sudijskim zvanjima Sudijska komisija određuje, radi ekonomičnosti, Vrhovnog sudiju sa nadležnostima Komisije, na takmičenju. Vrhovni sudija imenuje Tatami menadžere za svako takmičenje. Vrhovni sudija i Tatami menadžeri koji na zvaničnim i svim ostalim takmičenjima iz kalendara Karate saveza Federacije BiH obavljaju dužnosti definisane čl. 12 Pravila takmičenja provode postupak obaveznog ocjenjivanja svih sudija na njegovom borilištu na osnovu utvrđenih kriterija koje primjenjuju Sudijske komisije WKF, EKF, odnosno Karate saveza BiH.

## **4. USLOVI ZA STICANJE ZVANJA**

### **4. 1. KANTONALNA ZVANJA**

4.1.1. Kandidati za KATA JUDGE sudiju moraju imati zvanje u karateu minimum 1. DAN i 18 godina starosti.

4.1.2. Kandidati za KUMITE JUDGE sudiju moraju imati zvanje u karateu minimum 1. DAN i 18 godina starosti.

4.1.3. Kandidati za KUMITE REFEREE sudiju moraju imati zvanje minimum 1. DAN i jednu godinu staža u prethodnom kumite zvanju.

### **4. 2. ENTITESKA (FEDERALNA) ZVANJA**

4.2.1. Kandidati za KATA JUDGE sudiju moraju imati zvanje u karateu minimum 1. Dan i 19 godina starosti i jednu godinu aktivnog staža u prethodnom kata zvanju.

4.2.2. Kandidati za KUMITE JUDGE sudiju moraju imati zvanje u karateu minimum 1. DAN i jednu godinu staža u prethodnom kumite zvanju.

4.2.3. Kandidati za KUMITE REFEREE sudiju moraju imati zvanje u karateu minimum 1. DAN i minimalno jednu godinu aktivnog staža u prethodnom zvanju.

4.3.4. Pod aktivnim stažom podrazumijeva se minimum jedno suđenje godišnje na zvaničnim prvenstvima ne računajući ono na kojem je dobiveno zvanje.

## **5. ORGANIZACIJA SEMINARA I DRUGIH OBLIKA EDUKACIJE I USAVRŠAVANJA**

5.1. Sudijska komisija organizuje provođenje stručnih seminara, programa edukacije kao i ostalih oblika stručnog usavršavanja u okviru sljedećih vidova:

- a) Seminara za sticanje i licenciranje kantonalnih sudijskih zvanja;
- b) Seminare za sticanje i licenciranje Federalnih sudijskih zvanja;
- c) Ostali stručni seminari kao dodatan oblik edukacije i školovanja i usavršavanja (npr. kod izmjene sudijskih pravila, pripremni seminari i dr.)

5.2. Program seminara za sva sudijska zvanja utvrđuje Sudijska komisija, a predavanja i polaganje za sudijska zvanja ili produženje licence provodi tročlana komisija.

5.3. Komisija se formira sa kantonalog i federalnog nivoa u odnosu 2:1 u korist kantonalnog Saveza.

5.4. Ispitnu komisiju, ovisno od broja kandidata, imenuje Sudijska komisija Karate saveza Federacije BiH.

5.5. Ispitna komisija odluke donosi natpolovinom većinom njenih članova, a kandidatima koji polože ispit i steknu sudijsko zvanje Sudijska komisija Karate saveza Federacije BiH izdaje diplomu (certifikat) o stečenom sudijskom zvanju.

### **Obavezni uslovi za tehničku organizaciju seminara**

5.6.1 Sudijska komisija u okviru godišnjeg Programa i plana rada, koji usvaja Upravni odbor, a polazeći od Kalendara takmičenja utvrđuje datum, mjesto održavanja i tehničkog organizatora seminara.

5.6.2. Mjesto održavanja seminara mora da bude lako dostupno i da ima hotel sa odgovarajućim smještajem. Ukoliko se sala za seminar ne nalazi u blizini hotela, organizator je dužan da obezbjedi prevoz za sve učesnike seminara.

5.6.3. Tehničku organizator seminara je dužan da najmanje 15 dana prije datuma održavanja seminara Karate savezu Federacije BiH dostavi sve potrebne pojedinosti, a Savez putem Sudijske komisije o tome obavijestiti sve klubove registrovane u Savezu.

5.6.4. Satnicu seminara utvrđuje Sudijska komisija 15 dana prije početka Seminara, a preko kancelarije Saveza istu dostavlja klubovima. Satnica je obavezna za sve učesnike. Nepoštovanje satnice za sobom povlači isključenje sa seminara.

5.6.5. U cilju pripreme seminara predsjednik Sudijske komisije ili lice koje on ovlasti dužan je da posjeti mjesto određeno za seminar, obiđe hotel i salu u kojoj će se održati seminar. Do tada će tehnički organizator dobiti iscrpna obavještenja o svemu što je potrebno da obezbjedi. Detaljan izvještaj o ovom obilasku se dostavlja Upravnom odboru. Troškove lica, koje je došlo u kontrolu hotela i sale za seminar, snosi tehnički organizator seminara.

5.6.6. Za seminar za sticanje i licenciranje sudijskih zvanja u borbama tehnički organizator je dužan da obezbjedi najmanje dvadeset kvalitetnih takmičara. Za seminar za sticanje i licenciranje sudijskih zvanja u katama potrebno je obezbjediti najmanje deset kvalitetnih takmičara.

5.6.7. Organizator je dužan da obezbjedi prostoriju pogodnu za predavanje i ispit za 30 ljudi. Prostorija za praktični dio mora da ima borilište, dovoljan broj stolica za najmanje 30 sudija i svu ostalu opremu potrebnu za takmičenje.

5.6.8. Kandidati za sticanje i licenciranje sudijskih zvanja podnose Prijavu za seminar na propisanom obrascu najkasnije 15 dana prije datuma određenog za seminar.

5.6.9. Konačna prijava za seminar uz uplatu propisane takse za sudjski seminar utvrđene od strane Upravnog Odbora Karate saveza Federacije BiH, vrši se na dan početka seminara ili uplatom na transakcijski račun Karate saveza Federacije BiH (primjerak uplatnice kandidat dostavlja komisiji uz prijavu).

5.7. Sudijska komisija određuje pitanja za teoretski dio ispita.

5.7.1. Na kraju predavanja održat će se ispit iz teorije. Prolazna ocjena za sudije za kate je 90%, a za sudije za borbe 85% tačnih odgovora.

5.7.2. Praktični dio ispita se sastoji od posmatranja kandidata i uočavanja njegovih dobrih i slabih postupaka, odnosno odluka. Kandidatu se nakon praktičnog dijela ispita saopštava privremeni rezultat. Konačan rezultat se saopštava nakon suđenja na takmičenju, uz koje se održava seminar. Pisani izvještaj o održanom seminaru dostavlja se Upravnom odboru Saveza.

5.7.3. U pravilu seminar za sticanje i licenciranje federalnih sudijskih zvanja za borbe i kate održava se uz Federalno prvenstvo za seniore. Seminar i ispit za sudije može se održati uz državno prvenstvo za kadete, juniore i U-21.

5.7.4. Seminari za sticanje i licenciranje kantonalnih sudijskih zvanja organizuju se uz turnire obuhvaćene kalendarom aktivnosti kantonalnih karate saveza .

## **6. LICENCIRANJE ZVANJA**

6.1. Na svim takmičenjima u Federaciji mogu da sude samo kvalifikovane sudije sa važećom licencom i od strane Sudijske komisije uredno izdatim nalogom za delegiranje. Delegiranje sudija za suđenje na takmičenjima u okviru Kalendara B, Karate saveza Federacije BiH vrši Sudijska komisija, a delegiranje sudija za suđenja na Kantonalnim nivoima vrši kantonalna Sudijska komisija uz saglasnost Federalne sudijske komisije, iz reda sudija sa najvišim zvanjem, imenovan od strane Sudijske komisije. Imenovani sudija koordinira, vodi administrativne poslove i delegira sudije za takmičenja iz Kalendara C. Delegiranje sudija se vrši putem blagovremeno dostavljenog Naloga za delegiranje putem e-mail adrese sudije od strane sekretara Sudijske komisije. Sudija je dužan u zadatom roku potvrditi dolazak na suđenje, jer će u protivnom biti skinut sa liste delegiranih sudija.

6.2. Sudijska licenca ima važnost dvije godine, a dobiva se na zvaničnim seminarima.

6.3. Program licenciranja zvanja određuje Sudijska komisija.

6.4. U slučaju značajnih izmjena sudijskih Pravila, sve sudije bez obzira na zvanje i licencu su obavezne prisustvovati sudijskom seminaru na kojem će se pojasniti izmjene pravila i na taj način produžiti licencu.

6.5. Sudijama koji iz objektivnih razloga nisu u mogućnosti da prisustvuju Licencnom seminaru, licenca se produžava do prvog narednog Licencnog seminaru.

6.6. Na takmičenjima u okviru Kalendara KS RS, čiji je tehnički organizator Karate Savez RS ili registrirani Klub, sudija iz KS FBiH može suditi na njihov poziv, ali uz prethodno dobijenu saglasnost Sudijske komisije KS FBiH. O dobijenoj saglasnosti Predsjednik Komisije će obavijestiti Sudijsku komisiju KS RS.

6.7. Na takmičenjima u inostranstvu koji su međunarodnog karaktera čiji je tehnički organizator nacionalna karate federacija ili registrirani klub u okviru iste, Sudijska komisija KS BiH može na zahtjev Sudijske komisije KS FBiH dati saglasnost za odlazak na suđenje pod uslovima koji se dogovore sa Sudijskom komisijom nacionalne karate federacije i tehničkim organizatorom takmičenjima.

## **7. FINANSIJSKA PITANJA**

7.1. Karate savez Federacije BiH obezbjeđuje neophodna finansijska sredstva za rad Sudijske komisije. Prihodi sa sudijskih seminara i godišnje članarine pripadaju Savezu, a prebacuju se na poseban podračun Sudijske komisije. Sredstva prikupljena na tom računu biće korištena za pomoć sudijama pri odlascima na školovanje. Za rad na sudijskim seminarima članovima Komisije pripada naknada za rad u skladu sa odlukama Upravnog odbora Karate saveza BiH.

7.2. Sudijama delegiranim od strane Komisije, za takmičenja na teritoriji FBiH pripada sudijska taksa čiju visinu određuje Upravnog odbora na prijedlog Sudijske komisije. Članovi Sudijske komisije i delegirane sudije imaju pravo na troškove putovanja, dnevnice kao i pravo na hotelski smještaj (za udaljenost od 200 km od mjesta održavanja takmičenja) u skladu sa normativnim aktima i odlukama Karate saveza FBiH i pozitivnim zakonskim propisima Federacije BiH.

## **8. DUŽNOSTI I OBAVEZE SUDIJA**

8.1. Sve sudije i kandidati na seminarima i takmičenjima obavezni su da nose propisanu sudijsku uniformu kako je to definisano sudijskim pravilima.

8.2. Sve sudije su dužne da Savezu uplate propisanu godišnju članarinu koju na prijedlog Sudijske komisije posebnom odlukom utvrđuje Upravni odbor Karate saveza F BiH.

8.3. Sudija koji je delegiran za suđenje na predstojećem takmičenju dužan je odmah, a najkasnije do roka definisanog u nalogu za suđenje, potvrditi prijem naloga i potvrditi dolazak na takmičenje, odnosno blagovremeno obavijestiti Sudijsku komisiju o razlozima nemogućnosti dolaska na takmičenje.

8.4. Sve sudije bez obzira na sudijsko zvanje obavezne su prisustvovati sudijskom sastanku-brifingu koji se održava 30 minuta prije početka svakog takmičenja. Vrijeme i mjesto održavanja sastanka određuje sudijska komisija u dogovoru sa organizatorom. Neprisustvo sastanku za posljedicu ima mogućnost udaljavanja sa suđenja bez obzira na razloge neprisustva.

8.5. Za sve što nije regulisano ovim Pravilnikom primjenjuju se odredbe drugih normativnih akata i odluka Upravnog odbora Karate saveza BiH.

8.6. U slučaju da se na seminaru ili takmičenju pojavi problem koji nije regulisan ovim Pravilnikom i drugim normativnim aktima Saveza ili odlukama Upravnog odbora, odluku o tome donosi Predsjednik sudijske komisije, a u njegovoj odsutnosti lice koje rukovodi seminarom ili takmičenjem.

8.7. Delegirane sudije i sudije koje na takmičenju sude na osnovu posebnog odobrenja sudijske komisije ne mogu obavljati ni jednu drugu funkciju na takmičenju.

## **9. PRELAZNE I ZAVRŠNE ODREDBE**

9.1. Sudijska komisija će nakon stupanja na snagu ovog Pravilnika u roku od 30 dana na osnovu podataka iz službenih evidencija izvršiti cjelovitu analizu trenutno zatečenog sudijskog kadra i na osnovu kriterija za sticanje određenog sudijskog zvanja iz ovog Pravilnika, Upravnom odboru Karate saveza Federacije BiH predložiti listu sudijskih zvanja u skladu sa članom 3. stav (1) ovog Pravilnika.

9.2. U okviru analize postojećeg stanja Sudijska komisija će na osnovu rezultata provedene analize na osnovu kriterija za licenciranje sudijskih zvanja za određene nivoe sudijskih zvanja, organizovati sudijske seminare na kojem su kandidati dužni pristupiti polaganju teorijskog dijela ispita kako je to definisano u članu 5. Pravilnika.

9.3. Sudijama koji ne pristupe sudijskom seminaru i polaganju teorijskog dijela ispita ukidaju se licence za sudijska zvanja koju je do tada imao.

9.4. Konačnu Odluku o Listi sudijskih zvanja iz stava (1) ovog člana, na prijedlog sudijske komisije donosi Upravni odbor Karate saveza Federacije BiH.

Stupanjem na snagu ovog pravilnika prestaju važiti odredbe prethodnog pravilnika.

Ovaj pravilnik stupa na snagu danom njegovog usvajanja od strane Upravnog odbora Saveza.

Broj: 05-UO-P6/18  
Sarajevo, 27.03.2018. godine

PREDSJEDNIK  
UPRAVNOG ODBORA KS FBiH

---

*Mirsad Fezić*